



CONVOCATORIA E BASES ESPECÍFICAS II PARA A SELECCIÓN E CONTRATACIÓN DE PERSOAL TEMPORAL DA EMPRESA PÚBLICA DE SERVIZOS AGRARIOS GALEGOS S.A. (SEAGA), ENTRE OS CANDIDATOS INCLUÍDOS NA LISTA PREVIA NA CATEGORÍA DE LICENCIADO EN VETERINARIA.

Resolución do Director-Xerente de SEAGA, de 15 de decembro de 2008 pola que se convoca proceso selectivo para a contratación de persoal temporal, entre os candidatos incluídos na lista previa na categoría de Licenciado en Veterinaria.

En uso das facultades conferidas no punto 3 das “Bases para a selección de persoal temporal, da empresa pública de Servizos Agrarios Galegos s.a. (Seaga), polo sistema de listas previas por categorías” aprobadas polo Consello de Administración de SEAGA con data do 12 de novembro de 2007, (Diario Oficial de Galicia do 14 de novembro de 2007), o Director-Xerente de Seaga,

DISPÓN

Convocar proceso selectivo para a contratación de persoal temporal, entre os candidatos admitidos na categoría de Licenciado en Veterinaria, resultante do período de actualización de méritos (resolución do 30 de setembro de 2008 do Director-Xerente), e mais da ampliación de dito período (resolución do 14 de outubro de 2008 do Director-Xerente), con suxeición ás seguintes bases específicas II da convocatoria:



1. NORMAS XERAIS

1.1. Obxecto do proceso selectivo, sistema de acceso e procedemento.

O obxecto do proceso selectivo será a cobertura e contratación de cento vinte dous (122) prazas na categoría profesional de Licenciado en Veterinaria, a partir dos candidatos incluídos na lista previa por categorías profesionais, para afrontar a execución de distintas encomendas que a sociedade ten previsto recibir.

De conformidade co disposto nas bases xerais (DOG do 14 de novembro de 2007) e nas bases específicas (DOG e páxina Web de Seaga de 29 de novembro de 2007) da convocatoria para a selección de persoal temporal polo sistema de listas previas na categoría de Licenciado en Veterinaria, do total de prazas do sistema de acceso libre reservaranse nove (9) prazas para seren cubertas por persoas con discapacidade cun grao de minusvalidez igual ou superior ao 33%.

No suposto de que estas prazas non sexan cubertas, pasarán a integrarse ás restantes prazas.

As prazas convocadas corresponden ás provincias de A Coruña, Lugo, Ourense e Pontevedra.

1.2. Requisitos dos candidatos.

A inclusión dos candidatos no sistema de listas previas non presupón que á data da presente convocatoria sigan posuíndo os requisitos que se lle esixiron para o ingreso no sistema de listas previas, polo que se advirte expresamente que os candidatos deberán posuír á data da presente convocatoria, e manter ata o momento de formalización, de ser o caso, do correspondente contrato, os mesmos requisitos que se lle esixiron para o ingreso na lista previa correspondente, de tal xeito que cando da documentación que se lles pode volver a requirir os candidatos, no caso de superarse o proceso selectivo e antes de formalizar o correspondente contrato, se despenda que non posúen algún dos requisitos, os candidatos decaerán en todos os dereitos que puideren derivar da súa participación no procedemento.

1.3. Solicitudes.

Os candidatos son chamados a partir da lista previa correspondente, estando exentos da presentación de solicitude.

1.3.1. Documentación a presentar.

Só se tomará en consideración a efectos de cómputo de méritos a documentación xa achegada polo candidato para o ingreso na lista previa correspondente.

1.3.2. Lugar de presentación de reclamacións.



A/as reclamación/s que se poida/n achegar e/ou efectuar segundo o disposto nas presentes bases, poderase presentar:

- nas oficinas do rexistro de Seaga (Polígono Industrial do Tambre, Vía Marconi, nº 14, 15.890 Santiago de Compostela - A Coruña), de luns a venres, en horario de 09:00h a 14:00h e de 16:00h a 18:00h, e os sábados en horario de 09:00h a 14:00h.
- de luns a sábado, en horario de 09:00h a 14:00 horas, nas oficinas sitas en:
 - Rúa Montero Ríos, nº 24 (Antiga Cámara Agraria), 27002 Lugo
 - Rúa do Paseo, nº 22, 1º, 32003 Ourense
 - Praza do Teucro, nº 18, 36002 Pontevedra

A presentación de reclamacións en oficinas distintas das sinaladas na convocatoria non será tida en consideración no proceso.

No caso de documentos redactados en idioma distinto do galego ou do castelán, haberán de vir traducidos por intérprete xurado e con firma lexitimada ante Notario.

Para calquera aclaración ou información adicional os interesados poderán poñerse en contacto telefónico, no número 981 546 127, das 09:00 horas as 14:00 horas e das 16:00 horas as 18:00 horas, de luns a venres, ou ben na páxina web de SEAGA (www.epseaga.com).

1.4. Admisión de candidatos.

Considéranse admitidos para o proceso selectivo todos os candidatos da lista previa de Licenciado en Veterinaria, resultante do período de actualización de méritos (resolución do 30 de setembro de 2008 do Director-Xerente), e mais da ampliación de dito período (resolución do 14 de outubro de 2008 do Director-Xerente).

De acordo co establecido nas bases xerais 2.2.1 a comisión de selección decidirá o número de candidatos a convocar ao proceso de selección. En todo caso a convocatoria deberá facerse contando cun mínimo de tres candidatos por praza a cubrir, salvo naqueles casos que o número de candidatos fose inferior ao necesario, neste caso convocaranse todos os candidatos existentes na lista previa.

1.5. Datos de carácter persoal.

Rexerase polo establecido nas bases xerais 1.7.



2. PROCESO SELECTIVO.

2.1. Fase de concurso de méritos.

Nesta fase, teráselle en conta ós candidatos a puntuación do baremo de méritos que determinou a súa orde de prelación na lista previa definitiva, e que lles será computada de oficio por Seaga, e ata un máximo de 4 puntos.

2.2. Desempate.

Rexerase polo disposto nas bases xerais 2.1.4.

2.3. Lista de contratación.

Rexerase polo disposto nas bases xerais 2.2.5.

2.4. Reclamacións.

Rexerase polo disposto nas bases xerais 2.2.6.

3. COMISIÓN DE SELECCIÓN

Rexerase polo establecido nas bases xerais 2.2.4.1, e nas bases específicas 2.1.5 da convocatoria para o ingreso na lista previa na categoría correspondente. A estes efectos, o Director Xerente ratifica a nomeada e constituída no proceso para o ingreso na lista previa correspondente.

4. LISTA DE AGARDA.

Rexerase polo establecido nas bases xerais 2.3. Os candidatos que superasen este proceso selectivo pero non fosen contratados, pasarán a formar parte da lista de agarda correspondente, facéndose as propostas de contratación na mesma forma na que se configurou o chamamento para a selección a partir das listas previas.

5. RECOÑECIMENTO MÉDICO.

Os candidatos que figuran na lista de contratación deberán, previamente á súa contratación, realizar un recoñecemento médico para garantir que o seu estado de saúde lles permitirá realizar as tarefas propias do posto de traballo. Os seus resultados serán vinculantes para a incorporación ao posto de traballo.

6. PERÍODO DE PROBA E INSCRICIÓN NO COLEXIO PROFESIONAL.

Para os traballadores contratados establecerase un período de proba segundo o regulado no artigo 14 do Estatuto dos Traballadores e lexislación concordante.



Así mesmo, se o exercicio da actividade profesional para a que é contratado require estar colexiado con carácter obrigatorio, o candidato haberá de aportar, previo a firma do contrato, acreditación documental, mediante certificado expedido polo órgano competente do colexio profesional, da súa inscrición no colexio profesional correspondente. Dita inscrición haberá de manterse durante toda a vixencia do contrato.

7. DISPOSICIÓN DERRADEIRA.

Contra esta resolución, poderase efectuar reclamación no prazo de cinco días hábiles, contados desde o día seguinte ao da súa publicación na páxina web de SEAGA, ante o Director-Xerente de SEAGA.

Santiago de Compostela, a 15 de decembro de 2008

O director-xerente de SEAGA, S.A.



Xan-Bautista Cambón Rodríguez